

Tenki Tenki

Wi de tel tenk to Yunayted Neshon Ay Kamishona fo Yuman Rayt fo we dem pe fo dis wok ya.

Di Nashonal Kamishon fo Demokrasi en Yuman Rayt na dem put dis Deklareshon na wi yon Sa Lon languagej dem.

Wi de tel plenti tenki to di posin we ton di inglish languagej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

Di Stetment Bot Di Rayt Den We olman na Di Wol Fo Get

Wetin Kam Bifo (Introdokshon)

Soso we if wi sabi en gri se if olman get insey yon respekt, i ikwal en get di sem rayt lek eni oda posin oloba di wol, den di wanol wol sef go get fridom, jostis en pis; as tiŋ den we wiked pasmak don apin bikos pipul dem no wan fo gri se olman ikwal.

Di tiŋ we di komon man want pas oltin na di wol tide na fo mek evribodi ebul fo se wetin i fil, o tink bay aw tiŋ de bi, fo biliv wetin i want fo biliv en get benifit from ol wetin i nid, wit kolat.

If man fo liv wit kolat en no get fo de fet fo in yon yon rayt, den i impotant fo mek di lo protekt da rayt de;

Na semweso i gud fo le kolat en frenship de bitwin neshon en neshon den.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man o uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di memba kontri den na di Yunayted Neshon don gri fo joynan en mek sho se den go get fridom, jostis en pis sote go.

Fo mek dis wanwod ol wata oloba di wol, evribodi faondastand wetin den rayt en den fridom, jostis en pis yaso min.

so, le wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oloba di wol pipul den go get fridom, jostis en pis.

Atikul Wan

evribodi bon fri en get in yon rayt, non wan no pas in komin. Wi ol ebul fo tink en fenot wetin rayt en rɔŋ pantap dat wi fo sabi aw fo liv lek wan big famili.

Atikul Tu

evribodi fo get di sem rayt en fridom we dis stetment tok bot, no mata weda in na wetman o blakman, man o uman, bukman o yu no sabi rid en rayt, poman o moniman, kristien o muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best develop kontri na di wol.

Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

Atikul Fo

Nobodi no fo mek in komin in slev - dis, onitij sef we fiba am fo tap.

Atikul Fayv

Nobodi no fo mek in komin sofa bita wiked pen na bodi o shem sote i los da in yon yon respekt.

Atikul Siks

evribodi get rayt fo mek pipul den respekt am as motalman enisay na di wol en, sef, fo mek di loep am get dis respekt.

Atikul Sevin

evribodi ikwal en di lo fo ebul protekt eniwan wantem we oda pipul den na trit wan du am wetin in motalman rayt no gri fɔɔ if bad pipul se oda wan agens am.

Atikul Et

evribodi we tink se den don go agens in rayt we dis stetment tok bot, fo ebul get ol di ep we i nid from eni kotos we get pawa na in kontri.

Atikul Nayn

Nobodi no fo arest, jel o dreb eni posin komot na in yon kontri jes bikes i fil fo du so.

Atikul Ten

enibodi we den arest fo tiŋ we i du agens di lo, fo get ful protekshon from Loya den we go tinap fo am na kotos.

Atikul Ilevin

enibodi we den ker go kot fo tiŋ we den se i du agens di lo fo get di rayt fo se in no du da tiŋ de en di kot fo biliv am. I go lef wit di kot naw fo pruv se i du am na poblik trayal usay insey go get in yon Loya den we go fet in kes fo am.

Nobodi no fo pas jajment se posin gilti o iponish da posin de fo lek big ofens we pas wetin i du e sef, we notooofens insay in yon kontri oda kontri den na di wol.

Atikul Twelv

Nobodi no get rayt fo intafia as i lek wit oda posin in kolat, in fambul, in om en in leta den we oda pipul rayt to am, o ivin tray fo pwel in gudnem o in respekt. Di lo fo protekt evribodi fo den kanaba molesteshon yaso.

Atikul Totin

evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri oniwana pan di kontri den na di Yunayted Neshon en ton bak kam na in yon kontri we i pliz.

[Missing?]

Atikul Fotin

enibodi we tink se in layf de pan denja get di rayt fo aks mek den alaw am, en in fo get da pamishon de fo tap na eni oda kontri na di wol. Bot, if di rizin we mek da posin de wan komot na in kontri go tap odasay no get natin fo du with politiks, o na tiŋ we di Yunayted Neshon stetment de agens, den i no go get da rayt de.

[Missing?]

Atikul Fiftin

evribodi get rayt fə get wan kɒntri we i go kəl in yon.

Nɒbodi nə get rayt, jes bikəs i fil so, fə, mek səmbodi nə ebul fə kəl in kɒntri in yon igen, ən, pantap dat, nɒbodi nə get da pawa de fə tap ənibodi we want fə chenj di kɒntri we i go kəl in yon.

Atikul Sikstin

ɛNi man ən uman we dɒn əfej, no mata if den tu nə to di sem trayb, kɔla ɔ rilijən, get di rayt fə mared, bɒn pikin ən begin den yon famili. Den fə get di sem rayt as maredman ən mareduman, ivin if di mared brok səf.

Fə mek di mared get minin, di man ən di uman fə no plen wan wetin den de du ən den fə gri fə bi man ən wef.

[Missing?]

Atikul Sevintin

evibodi get rayt fə get prɒpəti fə insef ɔ fə jɔyn wit ɔda pipul den ən get di prɒpəti.

Nɒbodi nə fə tek eni pɒsin in yon prɒpəti kɒmət na in ən we i jes fil nɒmə fə du so.

Atikul Etin

evibodi get rayt fə tink aw i want, fil aw i want bɒt enitin we de apin ənisay, ən jɔyn eni grup ɔ chɔɔch ɔeni ɔda Gɒd wok fə prez Gɒd di we i fil, igen səf, i fri fə chenj in grup ɔ chɔɔch ən ivin di we aw i fil bɒt Gɒd; pantap dat, i fri fə wɒship in wangren ɔ wit ɔda pipul den na pɒblik ɔ prayvet.

Atikul Nayntin

evribodi get rayt fə tink wetin i fil ən fə se wetin i fil. Dis min igen se nɒbodi nə fə ambɔgin eni ɔda pɒsin bikəs əf wetin i fil ɔ biliv. I get di raty fə sho, tɔk bɒt, fala ɔ ivin tich wetin i biliv to ɔda pɒsin den, ilek usay ɔ uskayn we i pas di wɒd.

Atikul Twenti

evribodi fri fə bi memba əf eni grup we i chuz wans nɒmə den nə de du enitiŋ de fə briŋ ambɔg ɔ trɒbul na di kɒntri.

Nɒbodi nə fə fos eni pɒsin fə jɔny eni grup we i nə want fə jɔyn.

Atikul Twenti Wan

evribodi get rayt fə du wetin i ebul du fəep di gɒvəment əf in kɒntri. I kin du dis if i wok wit di gɒvəment ɔ if i vot fə pipul den we go wok wit di gɒvəment.

evribodi get di sem rayt fə yuz əl gɒvəment prɒpəti we de fə di pɒblik.

Wetin di pipul den want nain di gɒvəment fə du. Di pipul den go sho wetin den want we den wan we dɒn big du fə vot go vot na jenaral ilekshən frəm tɛm to tɛm. Nɒbodi nə fə fos den, nɒbodi nə fə tap den fə fri fə vot usay nɒbodi nə go si den, ən fə udat den want.

Atikul Twenti Tu

evribodi get rayt fəekspekt in kɒntri fə protekt am ən gi am chans fə divələp insef ənisay ən bi səmbdi wit respekt ən we go ebul insef pan wok ɔ biznɛs ɔ stədi te in kɒntri kin si am as wan pɒsin we fə abop pan.

Atikul Twenti Tri

evribodi get rayt fə wok, fə du di wok we i lek ən fə get gud pe fə di wok we i de du.

evribodi fə get di sem pe fə di sem wok.

evribodi we de wok get rayt fə get di kayn pe we go mek in ən in famili ebul fə liv lek nɒmal mɒtalman den, ən if i posibul səf, den kin get ɔda kayn ep fə mek layf betɛ fə den.

evribodi get rayt fə fɔrm tred Yunion ɔ jɔyn ən as wokman ɔ wokuman fə mek nɒbodi nə tinap pan den rayt na di wokples.

Atikul Twenti Fə

evribodi get rayt fə rest ən rilaks in bɒdi, insay dat, den fə rest afta den dɒn wok dɒn evride. Pantap dat, den fə get tɛm we den go go əlide (ɛvri ia liv) ən get den pe fə da liv tɛm de.

Atikul Twenti Fayv

evibodi get rayt fə liv di kaynaba layf we go mek in ən in famili den nə sik, i fə ebul get tin fə it, klos, os, mɛrɛsin ən i fə ebul abop se if tiŋ bad fə am na layf, leke i sik, in patna ɔ pikin sik, i lef wok, day mit am ɔ i kam ol tumɔs, i go get ep frəm di gɒvəment.

Lili pikin ən mami we get pikin get rayt fə get speshal ep ən dis ep nə fə difren ivin if nɒtɔ di maredwef ben di pikin. Maredwef pikin ən switat pikin fə get di sem tritment ən benifit əlsay.

Atikul Twenti Siks

evribodi get rayt fə get ɛdyukeshən; ɛlimentri ən praymari fə bi fri, ən ɛlimentri ən praymari ɛdyukeshən fə bi bay fos, bay kɒmpel. ənibodi we want, kin get di kayn ɛdukeshən we go tren am fə speshal jab den. Yunivasiti ɛdyukeshən go de fɔenibodi we want am, ən we fit fə get am.

ɛdyukeshən go tren di lana fə gro fə respekt di rayt ən fridəm we ɔda pipul den get. I go mek pipul den ebul fə liv togeda nə mata wɛda den de na di sem kɒntri ɔ sɒm bi frəm ɔda kɒntri, wɛda den get di sem kɔla ɔ den ivin jɔyn di sem rilijən; dis go ep mek di Yunayted Neshən den wok fə get pis ən kolat əlsay na di wəl izi.

Na di mami ən di dadi fə disayd uskayn ɛdyukeshən den pikin fə get; if den nə ebul ɔ den nə de, den, ɔda pɒsin kin du am.

Atikul Twenti Sevin

evribodi get rayt fə tek pat pan əl den kaynaba aktiviti we blant in kɒntri leke di siŋen dans, di dresin ən di pichɔ drɔin den we de sho tiŋ den bɒt in kɒntri. I get di rayt igen səf fə tek pat ən benifit frəm di gud tiŋs den we sayens dɒn briŋ kam na in kɒntri.

evribodi get rayt fə kip ən enjoy as in yon enitin we insef fenɒt, du ɔ rayt insay sayeens, raytin drama ple aktiŋ.

Atikul Twenti Et

evribodi get rayt fə benifit frəm grup we get pawa əlɔba di wəl fə mek shɔ se evribodi go enjoy den rayt ən fridəm den we dis stɛtment tɔk bɒt.

Atikul Twenti Nayn

evribodi get in yon wok we in fə du na in sosayti fə mek shɔ se i go liv api ən ful layf insay de.

We pɒsin de tray fɔɛnjɔy in rayt den ən in fridəm den na sosayti, i fə memba se di lɔ de fə mek shɔ se i memba se ɔda pɒsin densef get den yon rayt ən fridəm we i fə respekt so dat ɔda ən kolat go de əlɔbɒt (əlsay).

Den rayt ən fridəm den ya we de na dis stɛtment we kɒmət na Yunayted Neshən na fə mek pipul den get pis ən kolat na den kɒntri. Nɒbodi nə fə tray fə mek pipul den fə get ɔda tiŋ pas dat.

Atikul Tati

Natin nə de insay pan den stɛtment yaso we min bad fɔɛni pɒsin ɔ grup əf pɒsin insay eni kɒntri so, mek nɒbodi nə fil dat.